



13
1787
26



13
1787
卷 26

帝王世紀崇伯鯀取有莘氏女謂之女志世本志是謂脩己山

行見流星貫鼻夢接意感又吞神珠蓋以胃拆而生禹於石紐

洛書靈准聽禹首戴鈞鈴足文履已胸懷玉斗戴鈴謂有骨表如鈞鈴星

國語胥臣曰昔者大任娠文王不變少浚于豕牢而得文王不

加病焉文王在母不憂在傅弗勤處師弗煩事王不怒

詩疏太任有身目不視惡色耳不聽惡聲口不出教言文王生

而明聖君子謂能胎教

大紀周西伯納呂望之女邑姜姜賢立未嘗倚坐未嘗居怒未嘗厲是生太子

誦

漢書高帝父曰劉執嘉執嘉之母夢赤鳥若龍戲已而生執嘉

母名含始是為昭靈后昭靈后游於洛池有王鷄銜赤珠刻曰

玉英吞此者王昭靈后取而吞之

文帝母薄姬高祖召歌



之對曰昨暮夢青龍據妾背上曰我是也是貴徵吾為爾成之
 一御而生帝 王夫人得幸有娠夢日入懷景帝亦夢高祖謂
 已曰王美人得子可名為彘及生男因名焉是為武帝帝以己
 酉年七月七日旦生於猗蘭殿杜詩仙李盤根六猗蘭葉葉光
 金樓子光武父欽初為濟陽令有武帝行宮常封閉上將生欽
 以令舍下濕開宮後殿居之建平元年十二月甲子夜上生時
 有赤光照室中盡明如晝欽異之使卜者王長卜之長辟左右
 曰此善事不可言是歲嘉禾生一莖九穗長六異於凡禾縣界
 大豐熟因名上曰秀是歲鳳凰來集濟陽故宮皆畫鳳凰之瑞
 東觀漢記光武赤光照室影如五麟七鳳
 晉書簡文帝無子令善相者以諸愛妾示之皆云非其人時李

后為官人在織坊中形長而色黑皆謂之崑崙既至相者驚曰
 此其人也帝召之侍寢后數夢兩龍枕膝日月入懷帝問而異
 焉遂生孝武帝

符瑞志宋武帝居在丹徒始生之夜有神光照室其夕甘露降
 于墓樹皇考以高祖生有奇異名為奇奴皇妣既殂養於舅氏
 改為奇奴焉

南史梁武帝母張氏嘗夢抱日已而有娠遂產帝初后嘗於室
 內忽見庭前昌蒲生花光彩照灼非世中所有

隋紀隋高祖母呂氏以大統七年六月癸丑夜生高祖於馮翊
 猷若寺紫氣充庭有尼來自河東謂皇妣曰此兒所從來甚異
 不可於俗間處之尼將高祖舍於別館忽頭生角皇妣大駭墜

高祖於地尼自外入見曰已驚我兒致令晚得天下

唐書唐太宗生於武功之別館時有慶雲見瀾漫數里上屬於

天二龍戲於館門之外水中經三日乃去 明皇以降誕日燕

百僚於花萼樓下百僚表請每年八月五日為千秋節改千秋

節為天長節百僚上壽王公以下獻鏡及承露囊唯張九齡進

千秋金鏡錄五卷言前古興廢之道玄宗嘗異之 肅宗以

景雲二年九月三日乙亥生于東宮之別殿祥光照室即位後

號天成地平節

吳皇后侍寢厭不寤肅宗呼之不解秉燭視之良久方寤肅宗

問之后手掩其左脇曰妾向夢有神人長丈餘介金操劍謂妾

曰帝命與汝作子自左脇以劍決而入腹痛殆不可忍及今未

之已也肅宗驗之于燭下有若絰而赤者存焉遂生代宗以十

月十三日置天興節常表十月良月遠膺盈數之期後天奉

天近和下元之曆 德宗以孟月十四日生不置節 順

宗以正月二十日生號聖壽節 憲宗二月誕降不置節

穆宗七月六日誕降尚書左丞常綬奏誕日百官詣光順門

先賀皇太后然後上皇帝壽帝納之其後竟以降誕受賀禮無

所據罷 文宗以十月十日為慶成節是日於宮中奉迎太

皇太后與昆弟諸王盛陳宴樂羣臣請延英門走觴上千萬歲

壽 武宗六月十一日生號慶陽節 宣宗六月二十二

日生壽昌節 懿宗十月十四日生延慶節 僖宗五月

八日生應天節 昭宗三月二十二日生嘉會節 哀帝

九月初三日生乾和節

唐莊宗以天啓元年十月癸亥生于晉陽宮為萬壽節 明

宗九月九日生應聖節

晉高祖二月二十八日生為天和節 少帝六月二十一日

生啟聖節

漢高祖二月四日生聖壽節 隱帝三月初九日生嘉慶節

周世宗九月二十四日生百僚上表鰈水鷄林望堯雲而獻祝

極圭穀璧趨禹會而駿奔請奉是日為天清節

宋書唐明帝每夕於宮中祝天願天早生聖人為生民主丁亥

二月十六日宋太祖生於夾馬營初大祖母杜氏夢日入懷而

孕生之夕神光照室胞如菡萏金被金色三日不變異香馥郁

經日不散人因號其地為香孩兒營群臣請以是日為長春節

太宗母杜氏夢神人捧日以授已而有娠遂生帝於浚儀

官舍是夜赤光上騰如火閭巷聞有異香時晉天福四年十月

十七日甲辰也為乾明節淳化元年改壽寧節 元德皇后

李氏夢以裙承日有娠十二月二日生貞宗於開封府第赤光

照室左足指有文成天字至道三年即位八月以生日為承天

節 仁宗母李氏夢一羽衣之士跣足從空而下云來為汝

子時上未有嗣聞之大喜云當為汝成之是夕召幸有娠明年

四月十四日生仁宗而幼生每穿履屨即亟令脫去常徒步禁

中皆呼為赤腳仙人蓋古之得道李君也為乾元節 英宗

濮王允讓子也天聖十年正月三日生于宣平坊赤光滿室宰

臣請為壽聖節詔答曰赤制告圖肇承題序青熒動陸俯協誕
期卿等緣華封之素祝建壽聖之嘉名是用依允
神宗慶

曆八年四月十日生於漢王宮羣鼠吐五色氣成雲為同天節
武夷志當神宗之未生也武夷山道士吳懷玉有道術指武夷
君像曰歲在戊子降為人主又指魏王像曰三十有八載當繼
世御極撫平四海後其語皆驗

方輿勝覽宋建中陳覺民過武夷山詩昇真洞口接天門靈草
丹桃日日春聽說列仙來瑞世三朝德業在斯民蓋真宗神宗
哲宗皆武夷仙真應世故有三朝德業之句
哲宗十二月

八日生為興隆節
徽宗以十月十日生為天寧節
欽

宗四月十三日乾龍節
高宗帝后生也徽宗夢吳越王孫

御衣云我好來朝使留住我終須還我山河夢覺與鄭后言朕
夜來被錢王乞取兩浙甚急鄭后奏云昨夜帝妃生子及建炎
渡江都錢塘百有餘年豈非應乞兩浙之夢乎以五月二十一
日為天中節
孝宗太祖七世孫也父秀王母張氏夢府君
擁一赤羊來遺之曰以此為識已而有娠以建炎元年十月二
十二日生於秀州青杉牖之官舍紅光滿室如日正中紹興三
十二年受禪八月以生日為會慶節
光宗以九月四日為
重明節
寧宗以十月十九日為瑞慶節
理宗以正月
五日為天基節
周必大天中節賀表天生民而立之君茂
啓中興之運臣歸美以報其上共欣載風之期
中賀
恭惟陛下
配德乾坤合明日月御赫赫炎炎之祚成巍巍蕩蕩之功當樞

電之呈祥舉華夷而頽慶嚴恭寅畏而自度已迪哲於四人虛
靜恬淡而無爲方成統於萬歲臣猥司外闔阻造近班使壽使
富而多男願上堯封之祝宜民宜人而受祿載賡周雅之章
皇太孫

唐書永淳元年三月立皇孫重昭爲皇太孫將置府僚高宗召
吏部郎中王方慶問曰前代故事如何方慶進曰臣按周禮有
嫡孫漢魏以來皇太子在亦不立太孫晉惠帝永寧元年立愍
懷太子第三子襄陽王尚爲皇太孫太子官屬即轉爲太孫官
屬南齊永明十年立文惠太子長子南郡王昭業爲皇太孫使
居東宮今皇太子在而立太孫旁求載籍未有前例上曰自我
作古可乎對曰五帝不相沿樂苟不失上下之序不虧政理之

道亦何事而不可詩曰貽厥孫謀以燕翼子禮曰君子抱孫不
抱子孫可以爲王父尸以其昭穆同也今陛下肇建皇孫創斯
盛典所以彰子孫千億之盛福祚靈長之應也上悅使方慶詳
求典故官屬員品乃奏太孫府置師傅友文學祭酒及長史曹
椽主簿管記司錄以下六曹從事等官各加王府一級

周必大賀生皇孫表有天下而傳之子初微黃屋之心受帝祉
而施于孫儼誕青宮之胄慶均五殿喜浹萬邦中賀臣聞瓊幹
分輝率由於本固銀潢演濶蓋自於源深恭惟 陛下道極
際蟠心游冲淡縣本支于百世延壽考於萬年仙李盤根笑唐
基之未大荷蘭奕葉掩漢事於有光

趙端彥壽皇孫詩前星炳耀領孫星環拱中天日兩輪四葉重

光同聖世千秋佳節近生辰本支茂發旦復旦與學熙明新又
新喜入威顏天一笑壽觴分賜一枝椿

皇子青蓋車皇孫駕祿蓋車並駕三左右駢

揚萬里接武前星耀依光太上尊年年會慶節更慶茁蘭孫

太子為嫡皇孫封秩比皇子

親王

周禮宗伯以飲食之禮親宗族兄弟以服膳之禮親兄弟之國

小伯宗以三族之別辨親疎中車則掌金路而隆同姓之封司

士則正朝儀而嚴王族之位司儀則別王儀而重同姓之揖

左傳宋昭公將去群公子樂豫曰不可公族公室之枝葉也若

去之則本根無所庇蔭矣葛藟猶能庇其本根故君子以為比

况國君乎此諺所謂庇焉而縱尋斧焉者也必不可君其圖之

親之以德皆服肱也誰敢搗貳若之何去之

魏王周表分枝若木疏派天潢

襄王伐鄭富辰諫曰周公吊二叔之不咸故封建親戚以蕃屏

周管蔡邲霍魯衛毛聃郟雍曹滕畢原鄆郇文之昭也邠晉應

韓武之穆也凡蔣邢茅胙祭周公之胤也召穆公思周德之不

類故糾合宗族于成周而作詩曰常棣之華鄂不韡韡凡今之

人莫如兄弟其四章曰兄弟閱于牆外禦其侮如是則兄弟雖

有小忿不廢懿親今天子不忍小忿以棄鄭親其若之何周之

有懿德也猶曰莫如兄弟故封建之其懷柔天下也猶懼有外

侮扞禦侮者莫如親親故以親屏周

展喜曰昔周公太公股肱周室夾輔成王成王勞之而賜之盟

曰世世子孫無相害也載在盟府大師職之

家語孔子曰古者分同姓以珍玉所以展親親也分異姓以遠

旅葵分寶玉于伯叔之國以時庸展親

方之職貢所以無忘服也
三輔黃圖孝王文帝子好營宮室苑囿之樂作曜華宮築兔園
其諸宮觀相連延亘數十里奇果異樹珍禽怪獸畢有王日與
宮人賓客弋釣其中水經注與司馬相如之徒遊於平臺之上
晉隨郡王子隆居序云西園多士平臺盛賓鄒馬之客咸在伐
木之歌屢陳是用追芳昔娛神遊千古

前漢書河間獻王德脩學好古實事求是從民得善書必為好
馬與之留其真加金帛賜以招之所得書周官尚書禮禮記其
學舉六藝修禮樂被服儒術造次必於儒者山東諸儒者從而
遊武帝時獻王來朝獻雅樂對三雍宮景十三王河間賢明禮

樂是修為漢宗英贊曰夫唯大雅卓爾不群沈約章句言西楚

元王交與魯穆生申公白公受詩於浮丘伯

武帝時趙王彭祖所幸淖婭生男

號淖子時淖姬兄為漢宦者上召問淖子何如對曰為人多欲
上曰不宜君國子民間武始侯昌曰無咎無譽上曰可矣立為

趙王

長沙定王傳應邵曰景帝後二年諸王來朝有詔更前稱壽歌
舞定王但張衣袖小舉左右笑其拙上怪問之對曰臣國小地
狹不足回旋帝乃以武陵零陵桂陵益焉劉向曰臣幸託肺腑身為宗室遺老歷事

主五

本傳東平王蒼光武子也好經書美須髯腰帶十圍永平中朝
京師還國明帝手詔國中傳曰辭別之後瞻望永懷誦及采菽

以增歎息日者問東平處家何等最樂王言為善最樂其言甚大副是要腹矣又上光武受命中興頌帝甚善之以其文典雅

特令賈逵為之訓詁

魏書彭城王勰雅好屬文撰自古帝王賢達及魏子孫三十卷名曰要畧

章帝友愛諸王篤于親親有司奏遣東平王蒼歸國手詔蒼曰骨肉天性誠不以遠近為親踈然數見顏色情重昔時欲署大

鴻臚奏不忍下筆每有疑政輒驛使咨問蒼悉心以對北

海敬王睦齊王縯孫也少好學博通書傳能屬文又善史書當

世以為楷則及寢病帝驛馬令作草書尺牘十首

北魏書任城王澄少而好學文明太后引見誠厲之顧謂李冲

曰此兒風神吐發德音閑婉當為宗室領袖后為中書令蕭願

使使華來朝見澄音韻道雅風儀秀逸謂主客郎張彝曰往魏

任城以武著稱今之任城乃以文見美也

齊史武陵王曄多才藝而疎婁無寵常侍宴醉伏地詔抄肉并

太祖笑曰肉汚貂對曰陛下愛羽毛而疎骨肉

初學記漢興立爵二等大者王小者侯而王之號謂為諸侯王

後漢建武初朱祐議以為土無二王臣爵皆不過公於是悉封

郡公十七年又依舊稱王晉又封國宋齊以後皆封郡隋復封

國公

唐書王元軌高祖子也太宗嘗問羣臣曰朕子弟孰賢魏徵對

曰臣愚闇不盡知其能唯吳王數與臣言未嘗不自失上曰卿

以為前代誰比徵曰經學文雅亦漢之間平也後在徐州唯與

處士劉玄平為布衣之交人或問玄平王之長玄平答曰無長

問者怪而復問之玄平曰夫人有短所以見其長至於霍王無所不備吾何以稱之哉

堯王宮翊善姚坦好直諫王每有過失坦必規正宮中皆不喜左右乃教王稱疾不朝 太宗日使視之逾月不瘳上甚憂

召王乳母問王疾增損乳母曰本無疾徒以翊善姚坦檢束王不得自便王不樂故成疾耳上怒曰吾選善士輔佐王為善事

今王不能用規諫而詐疾欲使朕逐去正人以自便何可得也王年少未知出此此必爾輩為之謀耳因命梓至後園杖之數

十召坦慰諭之 高宗上元元年上御翔鸞閣觀大酺分音樂為東西朋使雍王賢王東朋周王顯王西朋角勝為樂郝處

俊諫曰二王尚少當推梨讓棗相親如一令分二朋迥相夸視非所以勸敦睦也上遽止之

通典漢初王國有傳相內史中尉郎中令僕文學大司農衛士長太令長列國侯亦有相

弇州列集 太祖二十四子懿文太子及 文皇帝位秦愍王

藥國西 晉恭王 周國太 周定王 肅國太 楚昭王 貞國武 齊王 魯國青 潭王 自焚除 魯荒王 魯國交 蜀獻王 春國成 湘獻王

百國荆 代簡王 圭國大 肅莊王 英國甘 遼簡王 直國遼 慶靖王 每國常 寧獻王 淮國大 岷莊王 更國雲 谷王 惠國常 韓獻王 松國平 潘簡王 模國潞 安惠王 盈國平

子 唐定王 經國南 郢靖王 棟國安 伊厲王 尋國河 成祖四子 仁宗位漢王高 初國雲 趙簡王高 世典英

火 不行移樂安反除

德彰皇少子高義逝未受封 仁宗十子 宣宗位鄭靖王瞻善國

懷慶越靖王瞻庸國衢州未除 斬獻王瞻未國 襄獻王瞻善國

少陽荆憲王瞻岡國建昌 淮靖王瞻與國韶州 滕懷王瞻宣國

南未行 梁莊王瞻伯國安陸 衛恭王瞻延國懷慶 宣宗二子

英宗七子 憲宗位德莊王見濟國濟 許悼王見淳

未之國 秀懷王見封國汝寧 吉簡王見浚國長 忻穆王見治未

子無除 徽莊王見市國鈞州曾孫 憲宗十四子未名長子及孝

宗位悼恭太子祐極興王諱 國安陸後 岐惠王祐俞國德安 益

端王祐楨國建 衡恭王祐軍國青 雍靖王祐需國衡州 壽王祐

蕃國保寧移德 汝王祐享國衛輝 涇簡王祐輝國沂州 榮莊王

木安無子除 申懿王祐皆國牧州未 孝宗二子 武宗位尉悼

王厚帝未之國 睿宗即興 岳懷王未名薨 世宗八子 穆宗

位哀冲太子載夏莊敬太子載 景恭王載川國德安 頴塲王

載備 戚懷王載塲 薊哀王載墳均 思王載峴 俱天 穆宗四子

今上憲懷太子翊靖悼翊俱天 潞王翊國衛

公主 高紀女子公主如淳曰公羊傳云天子嫁女於諸侯必使諸侯

同姓者主之師古曰天子不親主婚故謂之公主諸侯即自主

婚故其女曰翁主翁者父也亦曰王主言王自主其婚也漢制

為長公主帝 為大長公主

後書制皇女皆封縣公主儀服同列侯其尊崇者加號長公主

儀服同蕃王諸王皆封鄉亭侯公主儀服同鄉亭侯

述異記公主山在華山中漢末王莽秉政南陽公主避辭莽於此峯學道後得昇仙至今嶺上有一隻朱履傳曰公主既於山中得道駙馬王咸聞追之不及故留一履以示之潘安仁有公主峰記 晉永嘉亂既已渡江諸公主不得隨去安陽公主平城公主奔入兩河界悉為民家妻常快快不悅有故鄉之思村民感之共築一臺以居之謂之公主望鄉之館至今巋然王朗懷舊賦云將軍出塞之臺公主望鄉之館

宋記山陰公主孝武女也適何戢景和中淫恣過度謂帝曰妾與陛下雖男女有殊俱託體先帝陛下六宮萬數而妾唯駙馬一人事不均平一何至此帝乃為主置面首左右三十人

髮之
美者

帝召褚淵西上閣宿十日公主夜就之備見逼迫彥

回整身而立從夕至曉不為移志公主謂曰君鬚髯如戟何無丈夫意彥回曰回雖不敏何敢首為亂階

宋世諸主莫不嚴妬明帝每嫉之江敷當尚孝武女上乃使人為敷作表讓婚曰伏承詔旨當以臨海公主降嫁賴門寒族本隔天姻顧審輜蔽伏用憂惶如王敦懽氣桓溫飲威貞長佯愚以求免子敬炙足以違詔王偃無仲都之質而保露於北階何瑤闕龍工之姿而投軀於深井謝莊殆自同於濛叟殷冲幾不免於疆鉏宣平侯張敷尚惠帝姊魯元公主有女惠帝既立呂太后欲為重親以公主女配帝

唐書太宗以南平公主嫁王敬直珪之子也先是公主下嫁皆不婦事舅姑珪曰主上欽明動遵禮法吾受公主拜謁豈為身榮成國家之美耳是後公主始行婦禮高宗記衡山公主侯喪

畢成婚公主應適長孫氏有司以為服既公除欲以今秋成婚
于志寧言漢文立制本為百姓公主服本斬衰縱使服適例除
豈可情隨例改請俟三年喪畢成婚上從之

睿宗景雲元年以西城隆昌公主為女官云為天皇太后之福
為造觀改號金仙玉真公主官或作冠

南部新書高祖女平陽公主柴氏初舉義兵於司竹園號娘子
軍即柴紹之妻也

宋書徽宗時以公主為帝姬

駙馬

漢書武帝初置駙馬都尉秩比二千石駙副也非正駕車皆為
駙馬一曰駙近也掌御馬歷兩漢皆宗室及外戚任之

後魏書馮誕字子正與高祖同歲幼侍書學特蒙親待尚高祖

妹樂安公主升駙馬都尉高祖寵誕同輿而載同案而食同席
而坐卧又云劉景尚武邑公主薨更尚建興公主又薨更尚平

陽長公主及景終與三公主同瑩

蜀記太宗偶問宋指揮號有
子無宋對有二子令帶來看

號引入見 上喜曰都好即命三公王四公主同下降兄弟並
為都尉一日號從外臨二子迎侍號醉大喜撫二子曰吾家受
恩深矣父腰金子腰玉時二主在屏後聞之後見 上偶語及
之 上曰渠要玉帶耳無幾命守寧夏以功擢都督薦至封侯

西寧

唐書文宗開成二年杜悰為工部尚書為岐陽公主服日內久

奉謝恩戶部侍郎李珣奏駙馬為公主行服三年所以士族不
願為國戚帝大駭即日詔令行服杖期永為制定 文宗性

儉素駙馬韋處仁着夾羅巾上謂曰朕慕卿門第清素故有選

尚如此中服須其他貴戚為之卿不須爾

宋史哲宗時文彥博子及甫抵書邢恕曰濟之以粉昆必欲以
耿躬為甘心快意之地注世謂駙馬都尉為粉侯韓嘉彥尚主
其兄忠彥則粉昆也

外戚

詩序嵩高尹吉甫美宣王也能建國諸侯褒賞申伯馬周邦盛
喜戎有良翰不顯申伯王之元舅文武是憲

漢書臨泗侯呂公以漢王后父賜號漢元年始封高后追尊曰

宣王

武帝衛后弟青封長平侯四子皆封侯貴震天下天

下歌曰生男無喜生女勿怒不見衛青子夫霸天下宣帝地節四年封外

祖母為博平君

後漢書光武召陰貴人弟就復召就兄興欲封之辭曰臣未有

先登陷陣之功一家並蒙爵令天下舛望貴人問其故曰外戚

家苦不知謙退嫁女欲配侯王取婦睥睨公主憑心實不安也

富貴有極人當知足夸侈益為觀聽所譏東觀漢記光武閱傷

與政后族陰郭之家不過九卿親前代權臣大盛外戚永平中為外戚樊氏陰

氏郭氏馬氏諸子弟立學號四姓小侯以非列侯故曰小侯

章帝欲封諸舅太后不聽曰高祖約無軍功不侯今馬氏無

功於國豈得與陰郭中興之后等耶嘗觀祿位之家貴富重疊

猶再植之木其根必傷吾計之熟矣勿有疑也夫至孝之門安

親為上今數遭變異穀價數倍憂惶不安坐席而欲先營外家

之封違慈母之奉奉者乎 明德馬皇后自撰顯宗起居注

削去兄防參醫藥事章帝請曰黃門舅旦夕供養且一年既無

褒異又不錄其勤勞母乃過乎太后曰吾不欲令後世聞先帝

數親後宮之家故不著明德馬后云前過躍龍門上見外家問起居者車如流水馬如游龍蒼頭衣綠

傳曰生而富者驕生而貴者傲昔馮野王稱為賢臣近陰衛尉

克已復禮終受多福漢興外家二十保族全身四人而已

唐書竇氏自武德以來尚主者八人女為王妃者十人竇威曰

臣家在漢再為外戚至元魏有三皇后今陛下龍興臣復以姻

戚進夙夜懼不克任帝曰公以三后族夸我耶關東人與崔盧

昏猶自矜大公世為帝戚不亦貴乎

臣道

禮明堂位曰篤仁而好學多聞而道慎天子疑則問應而不

者謂之道道者導天子以道者也常立於前是周公也誠立而

敢斷輔善而相教者謂之輔輔者輔天子之意者也常立於左

是太公也潔廉而切直且過而諫邪者謂之拂拂者拂天子之

過者也常立於右是召公也博聞強記捷給而善對者謂之承

承者承天子之遺忘者也常立於後是史佚也故成王中立聽

政而四聖維之是以慮無失計而舉無過事

國語臧文仲請如齊從者曰君不命吾子吾子請之其為選事

乎文仲曰賢者急病而讓夷居官者實事不避難在位者恤民

之患是以國家無違今我不如齊非急病也在上不恤下居官

而惰非事君也文仲以曾圭與磬如齊告羅 季文子相宣

成無衣帛之妾無食粟之馬仲孫它諫曰子爲魯上卿相二君
矣妾不衣帛馬不食粟人其以子爲愛且不華國乎文子曰吾
亦願之然吾觀國人其父兄之食麤而衣惡者猶多矣吾視不
敢人之父兄食麤衣惡而我美妾與馬無乃非相人者乎且吾
聞以德祭爲國華不聞以妾與馬文子以告孟獻子獻子囚之
七日自是子服之妾衣不過七升之布馬餼不過稬莠文子聞
之曰過而能改者民之上也使爲上大夫 寺人勃鞞求見

文公辭焉曰吾以君爲已知之矣故入猶未之知又將出矣事
君不貳是謂臣好惡不易是爲君君君臣臣是謂明訓明訓能
終民之主也二君之世蒲人翟人余何有焉除君之所惡唯力
所及何貳之有今君即位其無蒲翟乎伊尹放太甲而卒以爲

明王管仲賊桓公而卒以爲侯伯乾時之役申孫之矢集于桓

鉤鉤近於袪而無怨言佐相以終成今名今君之德宇何不寬

裕也 樂懷子之出執政使樂氏之臣勿從從樂氏者爲大

戮施樂氏之臣辛俞行吏執而獻之公公曰國有大令何故犯

之對曰臣順之也豈敢犯之執政曰無從樂氏而從君是明令

必從君也臣聞之曰三世仕家君之再世以下主之事君以死

事主以勤君之明令也自臣之祖以無大援於晉國世隸樂氏

於今三世矣臣故不敢不君今執政曰不從君者爲大戮臣敢

忘其死而叛其君以煩司寇 史黯對趙簡子夫事君者諫

過而賞善薦可而替不獻能而進賢擇才而薦之朝夕誦善敗

而納之道之以行文之以順勤之以力致之以死聽則進不則

還今范中行氏之臣不能匡相其君使至於難君出在外又不能定而棄之則何良之為 吳人之入楚楚昭王奔鄆鄆公之弟懷將殺王鄆公辛止之懷曰平王殺吾父在國則君在外則讎也見讎不殺非人也鄆公曰夫事君者不為內外行不為豐約舉苟君之尊卑一也且夫自敵以下則有讎非是不讎下虐上為殺上虐下為討而况君乎君而討臣何讎之為若皆讎君則何上下之有乎吾先人以善事君成名於諸侯自闕伯比以來未之失也今爾以是殃之不可懷弗聽曰吾思吾父不能顧矣鄆公以王奔隨王歸而賞及鄆懷子西諫君有二臣或可賞也或可戮也君王均之群臣懼矣王曰夫子期二子邪吾知之矣或禮於君或禮於父均之不亦可乎

左傳崔杼之難晏子立於崔氏門外其人曰死乎曰獨吾君也乎哉吾死也曰行乎曰吾罪也乎哉吾亡也曰歸乎曰君死安歸君民者豈以陵民社稷是主臣君者豈為其口實社稷是養故君為社稷死則死之為社稷亡則亡之若為已死而為已亡非其私暱誰能任之且人有君而弑之而焉得亡之將庸何歸

梁丘據問晏子曰子事三君君不同心而子俱順焉仁人固多心乎晏子對曰嬰聞之順愛不懈可以使百姓暴強不忠不可以使一人一心可以事百君二心不可以事一君

仲尼聞之曰小子識之晏子以一心事百君者也 子木問於趙孟曰范武子之德何如對曰夫子之家事治言於晉國無隱情其祝史陳信於鬼神無愧辭子木歸以語王康王曰尚矣哉能歆神人宜其光輔五君以為盟主也 子產之為政也擇能而使馮簡子能斷大事子太叔美秀而文公孫揮能知四

國之為而辨於其大夫之族姓班位貴賤能否而又善為辭令
 裨諶能謀謀於野則獲謀於邑則否鄭國將有諸侯之事子產
 乃問四國之為於子羽且使多為辭令與裨諶乘以適野使謀
 可否而告馮簡子使斷之事成乃受子太叔使行之以應對諸
 侯是以鮮有敗事 鄭人游於鄉校以論執政然明謂子產

曰毀鄉校何如子產曰何為夫人退而朝夕遊焉以議執政之
 善否其所善者吾則行之其所惡者吾則改之是吾師也若之
 何毀之我聞忠善以損怨不聞作威以防怨豈不遽止然猶防
 川 魏絳曰昔周辛申之為大史也命百官官箴王闕於虞
 人之箴曰芒芒禹迹畫為九州經啓九道民有寢廟獸有茂草
 各有攸處德用不擾在帝夷羿冒於原野忘其國恤而思其麇

牡武不可重用不恢於夏家獸臣司原敢告僕夫虞箴如是可
 不懲乎於時晉侯好田故及之

家語孔子曰忠臣之諫君有五義焉一曰諫諫二曰諷諫三曰
 降諫四曰直諫五曰諷諫惟度主以行之吾從其諷諫乎

孔子曰君子有三恕有君不能事有臣而求其使非恕也有親
 不能孝有子而求其報非恕也有兄不能教有弟而求其順非
 恕也士能明三恕之本則可謂端身矣 子貢曰子從父命
 孝乎臣從君命貞乎奚疑焉孔子曰昔者明王萬乘之國有爭
 臣七人則王無過舉千乘之國有爭臣五人則杜稷不危以百
 乘之家有爭臣三人則祿位不替父有爭子不陷無禮士有爭
 友不行不義故子從父命奚詎為孝臣從君命奚詎為貞夫能

審其所從之謂孝之謂貞矣

管子桓公入魯縛管仲與召忽仲謂忽曰子懼乎曰何懼吾不
蚤死將胥有所定也今既定矣令子相齊之左必令忽相齊之
右雖然殺吾君而用吾身是再辱我也子為生臣忽為死臣忽
也知得萬乘之政而死公子糾可謂有死臣矣子生而霸諸侯
公子糾可謂有生臣矣死者成行生者成名名不兩立行不虛
至于其勉之死生有分矣乃行入齊境自刎而死管仲遂相之
君子聞之曰召忽之死也賢其生也管仲之生也賢其死也

莊子顏闔將傅衛靈公太子而問蘧伯玉曰戒之慎之正汝身
哉形莫若就心莫若和雖然之二者有患就不欲入和不欲出
形就而入且為顛為蹙為朋為蹶心和而出且為聲為名為妖

為孽彼且為嬰兒亦與之為嬰兒彼且為無町畦亦與之為無
町畦彼且為無崖亦與之為無崖達之入於無疵

韓非子愛臣太親必危其身人臣太擅必易主命主安無等必
危嫡子兄弟不服必危社稷臣聞千乘之君無備必有百乘之
臣在其側以徙其民而傾其國萬乘之君無備必有千乘之家
在其側以徙其威而傾其國是以姦臣蕃息主道衰亡是故諸
侯之博大天子之害也羣臣之大富君主之敗也將相之後主
而隆家此君人者所外也君無見其所欲君見其所欲臣將自
雕琢君無見其意君見其意臣將自表異故曰去好去惡臣乃

見素去舊去智臣乃自備

昔韓昭侯醉而寢典冠者見君之寒也故加衣於君之上覺寢而說問左

右曰誰加衣者左右對曰典冠君因兼罪典衣與典冠其罪典衣以為失其事也其罪典冠以為越其職也非不惡寒也以為

侵官之害甚於寒故明主之畜臣臣不得越官而有功不得陳言而不當越官則死不當則罪守業其官所言者貞也則羣臣不得朋黨相為矣

凡人臣之所道成姦者有八術一曰在同床貴夫人愛孺子便嬖好色此人主之所惑也託於燕處之虞乘醉飽之時而求其所欲此必聽之術也二曰在旁優笑侏儒左右近習此人主未命而唯唯未使而諾諾先意承旨觀貌察色以先主心者也此皆俱進俱退皆應皆對一辭同軌以移主心者也三曰父兄側室公子人主之所親愛也大臣廷吏人主之所與度計也此皆盡力畢議人主之所必聽也四曰養殃人主樂美宮室臺池好飾子女狗馬以娛其心此人主之殃也為人臣者盡民力以美宮室臺池重賦斂以求子女狗馬以娛其主而亂其心從其所欲五曰民萌為人臣者散公財以說民人行小

惠以取百姓使朝廷市井皆勸譽已以塞其主而成其所欲六曰流行人主者固盛其言談希於聽論易移辨說為人臣者求諸侯之辯士養國中之能說者使之以語其私為功文之言流行之辭示之以利勢懼之以患害施屬虛辭以懷其主七曰威強君人者以羣臣百姓為威強者也為人臣者聚帶劍之客養必死之士以彰其威明為已者必利不為已者必死以恐其群臣百姓而行其私八曰四方君人者國小則事大國兵弱則畏強兵為人臣者重賦斂盡府庫虛其國以事大國而用其威求誘其君甚者舉兵以聚邊境而制斂於內薄者數內大使以震其君使之恐懼凡此八者人臣之所以道成姦世主所以壅刻失其所有也不可不察焉 司城子罕謂宋君曰慶賞賜與

民之所喜也君自行之殺戮誅罰民之所惡也臣請當之宋君曰諾於是出威令誅大臣君曰問子罕也於是大臣畏之細民歸之處期年子罕殺宋君而奪政故子罕為出彘以奪其君國簡公在上位罰重而誅嚴厚賦斂而殺戮民田恒設慈愛明寬厚簡公以齊民為渴馬不以恩加民而田恒以仁厚為圃池也

西門豹為鄴令清尅潔已秋毫之端無私利也而甚簡左右左右因相與比周而惡之居期年上計君收其璽豹自請曰臣昔者不知所以治鄴今臣得矣願請璽復以治鄴不當請伏斧鑕之罪文侯不忍而復與之豹因重斂百姓急事左右期年上計文侯迎而拜之豹對曰往年臣為君治鄴而君奪臣璽今臣為左右治鄴而君拜臣臣不治矣遂納璽而去

秦策范雎曰國者王之叢勢者王之神藉人以此得無危乎臣未嘗聞指大於臂臂大於股若有此則病必甚矣百人輿瓢而趨不如一人持而疾走百人誠輿瓢瓢必裂今秦國華陽用之

君侯用之太后用之王亦用之不稱瓢為器則已稱瓢為器國必裂矣臣聞之木實繁者枝必披枝之披者傷其心都大者危其國臣強者危其主

燕策客曰燕郭之間有所謂桑雍者王知之乎王曰未聞也所謂桑雍者便嬖左右之人及夫人優愛孺子也此皆能乘王之醉昏而求所欲於王者也是能得之於內則大臣為之枉法於外矣故日月輝於外其賊在於內謹備其所憎而禍在於所愛魏策惠施曰小事也謂可謂不可者正半况大事乎以魏合於秦韓而攻齊楚大事也而王之羣臣皆以為不可不知是其可也如其明耶亡羣臣之智術也如其同耶是其可也未如是其明也而羣臣之智術也又非皆同也是其有半塞也所謂

劫王者失其半者也

衛策復塗偵謂靈公曰昔日臣夢見君君曰子何夢曰夢見竈君君忿然作色曰吾聞夢見人君者夢見日今子奚為夢見竈君而言君也對曰日并燭天下者也一物不能蔽也若竈則不然前之人煬則後之人無從見也今臣疑人之有煬於君也

趙策武靈王曰嗣立不忘先德君之道也錯質務明主之長臣之論也是以賢君靜而有道民便事之教動而有明古先世之功為人臣者窮有弟長辭讓之節通有補民益主之業此兩者君臣之分也

齊策威王使章子將兵擊秦與秦交和而舍使者數相往來章變其徽章以雜秦軍侯者言章子以齊入秦威王不聽如是者

三項問言齊兵大勝左右問故曰章子之母啓得罪其父父殺之吾使章子將也勉之曰夫子之強全兵而還必更葬將軍之母對曰臣非不能更葬先妾也臣之母啓得罪臣之父臣之父未教未命而死夫不得父之教而更葬母是欺死父也故不敢夫為人子而不欺死父豈為人臣而欺生君哉

楚辭宋玉曰何時俗之工巧兮背繩墨而改錯却騏驥而不乘兮策駑駘而取路當世豈無騏驥兮誠莫之能善御見執轡者非其人兮故踟躕而遠去鳧雁皆唼夫梁藻兮鳳愈飄翔而高舉園鑿而方柄兮吾固知其鉏語而難入衆鳥皆有所登棲兮鳳獨遑遑而無所集 謂騏驥兮安歸謂鳳凰兮安棲變古易俗兮世衰今之相兮舉肥騏驥伏匿而不見兮鳳凰高飛而

不下鳥獸猶知衰德兮何云賢士之不處驥不驟進而求服兮
鳳亦不貪饒而求食君棄遠而不察兮雖願忠其焉得

荀子曰明主好要而闇主好詳主好要則百事詳主好詳則百
事荒君者論一相陳一法明一指以無覆之燕炤之以觀其盛
者也相者論列百官之素要百事之聽以飾朝廷臣下百吏之
分度其功勞論其慶賞歲終奉其成功以効於君當則可不當
則廢故君人勞於索之而休於使之

莊云要在於
主詳在於臣

持寵處

位終身不厭之術主尊貴之則恭敬而傳主信愛之則謹慎而
嘯主尊任之則拘守而詳主安近之則慎比而不邪主踈遠之
則全一而不倍主損絀之則恐懼而不怨貴而不為夸信而不
處謙任重而不敢專財利至則善而不及也必將盡辭讓之義

然後受福福事至則和而理禍事至則靜而理富則施廣貧則
用節可貴可賤也可富可貧也可殺而不可使為姦也

朝之日也一日之人也然而厭然有千歲之固何也曰援夫千
歲之信法以持之也安與千歲之信士為之也人無百歲之壽
而有千歲之信士何也曰以夫千歲之法自持者是乃千歲之
信士矣

恭敬而遜聽從而敏不敢有私決擇也不敢有私
取予也以順上為志是事聖君之義也忠信而不諛諫諍而不
諂矯然剛桀端志而無傾側之心是案曰是非案曰非是事中
君之義也調而不流柔而不屈寬容而不亂曉然以至道而無
不調和而能化易時關內之是事暴君之義也若馭撲馬若養
赤子若食餒人故因其懼也而改其過因其憂也而辨其故因

而喜也而入其道曲得所謂焉

下臣事君以貨中臣事君

以身上臣事君以人

君有過謀過事終危國家殞社稷之

具也大臣父兄有能進言於君用則可不用則去謂之諫有能進言於君用則可不用則死謂之爭有能比智同力率群臣百吏而相與疆曰橋君君雖不安不能不聽遂以解國之大患除國之大害成於尊君安國謂之輔有能抗君之命竊君之重反君之義以安國之危除君之辱功伐足以成國之大利謂之佛故諫爭輔拂之人社稷之臣也國君之寶也明君之所尊厚也問為將曰知莫大乎棄疑行莫大乎無過事莫大乎無悔至無悔而止矣不可必也故制號政令欲嚴以威慶賞刑罰欲必以信處舍收藏欲周以固徙舉進退欲安以重欲疾以速窺

前觀變欲潛以深欲伍以參遇敵決戰必道吾所明無道吾所疑夫是之謂六術無欲將而惡廢無怠勝而亡敗無威內而輕外無見其利而不顧其害凡慮事欲熟而用財欲泰夫是之謂五權所以不受命於主有三可殺而不可使處不完可殺而不可使處不勝可殺而不可使欺百姓夫是之謂三至敬謀無壙敬事無壙敬吏無壙敬衆無壙敬敵無壙夫是之謂五無壙

陸賈新語懷道者需世抱璞者待工道為智者說焉為御者良賢為聖者用辨為智者通書為曉者傳事為見者明

淮南子蘧伯玉為相子貢往觀之曰何以治國曰以弗治治之簡子欲伐衛使史黯往覲焉還報曰蘧伯玉為相未可以加兵故臯陶瘖而為大理天下無虐刑有貴于言者也師曠瞽而為

太宰晉無亂政有貴于見者也

賈誼新書王者官人六等一曰師二曰友三曰大臣四曰左右五曰侍御六曰廝役智足以爲源泉行足以爲表儀謂之師智足以爲砥礪行足以爲輔助謂之友智足以謀國事行足以爲民率謂之大臣也脩身正行不憊於鄉曲左右也事君不敢有二心侍御者也唯言之聽以事君者廝役也 主上遇其大

臣如遇犬馬彼將犬馬自爲也如遇官徒彼將官徒自爲也頑頓無耻妻詬亡節廉耻不立且不自好苟若而可故見利則逝見便則奪主上有敗因而挺之矣主上有患則苟免而已立而觀之耳有便吾身者則欺賣而利之耳人主將何便於此群下至衆而主人至少也所託財器職業者粹於群下也俱無耻俱

苟安則主上最病故古者禮不及庶人刑不上大夫所以厲寵臣之節也 父兄之臣誠死宗廟法度之臣誠死社稷輔翼

之臣誠死君上守衛捍敵之臣誠死城郭封境故曰聖人有金城者此物此志也彼且爲我死故吾得與之俱生彼且爲我亡故吾得與之俱存彼將爲我危故吾得與之偕安顧行而忘利守節而服義故可與托不御之權寄五尺之孤此勵廉耻行禮義之所致也

史記趙世家肥義曰昔者主父以上厲義也曰母變而度母異而慮堅守一心以沒而世義再拜受命而籍之今畏不禮之難而忘吾籍變孰大焉進受嚴命退而不全負孰甚焉變負之臣不容於刑諺曰死者復生生者不愧吾言已在前矣吾欲全吾

言安得全吾身且夫貞臣也難至而節見忠臣也累至而行明安陵人縮高之子仕於秦守管信陵君攻之不下使人召高將以爲五大夫執節尉而使攻管高辭信陵君怒使謂安陵君生束縮高而致之不然無忌將率十萬之師以造城下安陵君曰吾先君成侯受詔棄王以守此城也手受大府之憲其上篇曰子弑父臣弑君有常不赦國雖大赦降城亡子不得與焉今縮高辭大位以全父子之義而君曰必生致之是使我負襄王之詔而廢太府之憲也縮高聞之曰信陵君爲人悍猛而自用此辭反必爲國禍吾已全已無違人臣之義美豈可使吾君有魏患乎乃之使者舍劔頸而死

以吾意之難也又非吾敢橫佚能盡之難也凡說之難在知所說之心可以吾說當之所說出於爲名高者也而說之以厚利則見下節而遇卑賤必棄遠矣所說出於厚利者也而說之以名高則見無心而遠事情必不收矣所說實爲厚利而顯爲名高者也則陽收其身而實疏之若說之以厚利則陰用其言而顯棄其身此之不可不知也夫事以密成語以泄敗未必其身泄之也而語及其所匿之事如是者身危貴人有過端而說者明言善議以推其惡者則身危周澤未渥也而語及知說行而有功則德亡說不行而有敗則見疑如是者身危夫貴人得計欲自以爲功說者與知焉則身危彼顯有所出事迺自以爲也故說者與知焉則身危疆之以其所必不爲止之以其所不能

已者身危故曰與之論大人則以為問已與之論細人則以為
驚權論其所愛則以為借資論其所憎則以為嘗已經省其辭
 則不知而屈之沉濫博文則多而久之順事陳意則曰怯懦而
 不盡慮事廣肆則曰草野而倨侮此說之難不可不知也凡說
 之務在知飾所說之所敬而滅其所醜彼自知其計則無以其
 失窮之自勇其斷則無以其敵怒之自多其力則無以其難概
 之規異事與同計譽異人與同行者則以飾之無傷也有與同
 失者則明飾其無失也大忠無所拂辭悟言無所擊排迺後申
 其辨智焉此所以親近不疑知盡之難也得曠自彌久而周澤
 既握深計而不疑交爭而不罪迺明計利害以致其功直指是
 非以飾其身以此相持此說之成也

淳于髡曰得全全昌失全全亡騶忌子曰謹受令請謹無離前
 淳于髡曰徐膏棘軸所以為滑也然而不能運方穿騶忌子曰
 謹受令請謹事左右淳于髡曰子膠昔幹所以為合也然而不
 能傳合疏鑿騶忌子曰謹受令請謹自附于萬民淳于髡曰狐
 裘雖敝不可補以黃狗之皮騶忌子曰謹受令謹請擇君子毋
 雜小人其間淳于髡曰大車不較不能載其常任琴瑟不較不
 能成其五音騶忌子曰謹受令謹請修法律以督姦吏
 年表古者人臣功有五品以德立宗廟定社稷曰勲以言曰勞
 用力曰功以明其等曰伐積日曰閱夏官司勲掌六鄉賞地之
功曰功民功曰庸事功曰勞治功曰力戰功曰多
 衛青傳不斬蘇建曰青幸得以肺腑待罪行間不患無威而霸

說我以明威甚失臣意且使臣職雖當斬將以臣之尊寵而不敢自擅誅於境外而且歸天子天子自裁之於是以見為人臣不敢專權不亦可乎

說苑邢荆贖使晉反將入死而報君僕曰君之無道四隣諸侯莫不聞夫子死之不亦難乎贖曰善能言也然亦晚矣子早言我我能諫之諫不聽我能去今既不諫又不去吾聞食其祿者死其事吾既食亂君之祿矣又安得治君而死之遂驅車入死其僕曰有亂君人猶死之我有治長可無死乎遂列於車上

趙襄子見圍晉陽罷圍賞有功之臣五人高赫無功而受上賞五人皆怒襄子曰吾在拘厄之中不失臣主之禮惟赫也子雖有功皆驕仲尼聞之曰趙襄子善賞士賞一人天下人臣莫

敢失君臣之禮矣

楚莊王時太子車左茅門之內少師慶

逐之太子怒入謁王曰少師慶逐臣之車王曰舍之老君在前

而不輸少君在後而不豫國之寶臣也世說五官郎將魏文帝有客如雲兩根矩獨不

往曹公徵使人問之原答曰吾聞國危不事統率君老不奉世子曹公深重其言

伊尹對湯曰三公者通於天道者也九卿者通於地理者也大

夫者通於人事者也列士者明於法度者也三公所以參五事

九卿所以參三公大夫所以參九卿列士所以參大夫是謂事

宗事宗不失內外若一是謂大順也

漢書何武言傳喜曰忠臣社稷之衛魯以季友治亂楚以子玉

輕重魏以無已折衝項以范增存亡故楚齊有南土帶甲百萬

鄰國不以爲勇子玉爲將則文公側席而坐及其死也君臣相

慶百萬之衆不如一賢故秦行千金以間廉頗漢散萬金以疏

亞父

劉邵人物志曰凡人之質量中和最貴美中和之質必平淡無味故能調成五材變化應節是故觀人察質必先察其平淡而後求其聰明聰明者陰陽之精陰陽清和則中獻外明聖人淳權能兼二美自非聖人莫能兩遂故明白之士達動之機而暗於玄慮玄慮之人識靜之原而困於速捷猶火日外照不能內見金水內映不能外光 其爲人也質素平淡中獻外朗筋勁植固聲清色懼儀正容直九徵皆至則純粹之德也九徵有違則偏雜之才也是故蕪德而至謂之中庸具體而微謂之德行一至謂之偏材一徵謂之依似一至一違謂之間雜 人

流之業十有二焉有清節家有法家有術家有國體有器能有臧否有伎倆有智意有文章有儒學有口辨有雄傑凡此十二材皆人臣之任也主德不與焉主德者聰明平淡總達衆材而不以事自任者是故王道立則十二材各得其任也清節之德師氏之任也法家之材司寇之任也術家之材三孤之任也三材純備三公之任也三材而微冢宰之任也臧否之材師氏之佐也智意之材冢宰之佐也伎倆之材司空之任也儒學之材安民之任也文章之材國史之任也辨給之材行人之任也驍雄之材將帥之任也 張良體柔而精彊爲衆智之雋也荆叔色平而神勇爲衆勇之傑也然則雋傑者衆人之尤也聖人者衆尤之尤也

范曄孔融論晉諫大夫鄭昌有言山有猛獸藜藿為之不採是以孔父正色不容冀嘗之謀平仲立朝有紆盜齊之望若夫文舉之高志真情其足以動義槩而忤雄心故使移鼎之迹事隔於人存代終之規啓機於身後也夫嚴氣正性覆折而已豈有圓園委屈可以每其生哉慄慄焉皜皜焉其與琨玉秋霜比質可也

宦者論宦者四星在皇后之側故周禮置官亦備其數閹者守中門之禁寺人掌女宮之戒又云王之正內者五人月令仲冬命闈尹審門閭謹房室詩之小雅亦有巷伯刺讒之篇然宦人之在王朝者其來舊矣將以其體非全氣情志專良通關中人易以役養乎然而世因之才任稍廣其能者則勃貂管蘇有

功於楚晉景監繆賢著庸於秦趙及其弊也監刀亂齊伊戾禍

宋左傳楚客聘於晉過宋太子知之請野亭之公使往伊戾請

楚客盟矣公使往視之則信有焉

侍官然亦引用士人以參其選皆銀璫左貂給事殿省及高后

稱制乃以張卿為大謁者出入卧內受宣詔令文帝時有趙談

北宮伯子頗見親倖至於孝武亦愛李延年帝數宴後庭或潛

游離館故請奏機事多以宦人主之元帝之世史游為黃門令

勤心納忠有所補益其弘恭石顯以佞險自進中興之初宦官

悉用閹人不復雜調他士至永平中始置員數中常侍四人小

黃門十人和帝即祚幼弱所與居者唯閹官而已故鄭眾得專

謀禁中終除大憝遂享分土之封自明帝以後迄乎延平委用

漸大而其員數稍增中常侍至有十八人小黄門亦二十人改以塗璫右貂兼領卿署之職鄧后以女主臨政而萬機殷遠不出房闈之間不得不委用刑人寄之國命手握王爵口含天憲非復掖庭永巷之役閨牖房閭之任也

穀梁襄二十九年闈殺吳子餘祭闈門者也禮人也不稱名姓闈不得齊於人不稱其君闈不得君其君也禮君不使無耻不近刑人不狎敵不通怨賤人非所貴也貴人非所刑也刑人非所近也舉至賤而加之吳子吳子近刑人也闈殺吳子餘祭仇之也

徵君集龍姬諫楚王曰寤口之言若羹寤心之言若冰今左右之諫雖不甘君之口其亦寒心哉夫寤口者求譽而養櫛寤心者忍耻而奮功是以明王樂聞寤心之言而去甘口之士

晉書王敦親任温嶠嶠乃繆為勤敬時進密謀以附其欲深結錢鳳為之聲譽每曰錢世儀精神滿腹鳳甚悅會丹陽尹缺嶠

言於敦曰京尹咽喉之地公宜自選鳳薦嶠嶠偽辭敦不許嶠恐已既去而鳳於後間之因敦餞別起行酒酒至鳳未及飲嶠偽醉以手版擊鳳憤墜地作色曰錢鳳何人温太真行酒而敢辭不飲嶠與敦別涕泗橫流出閣復入者三後鳳謂敦曰嶠於朝廷甚密而與庾亮深交未可信也敦曰太真昨醉小加聲色何得便爾相讒易夬九三壯于頄有凶君子夬夬獨行遇雨若決矣方且為敦司馬深結錢鳳時進密謀若誠心為之宣力自君子不親者能無疑乎是獨行遇雨若濡有愠也終成其志功在晋室何愠之有文中子美哉周公旦之為周也外不屑天下之謗而私其迹曰必使我子孫相承而宗祀不絕也内實達天下之道而公其心曰必使我君臣相安而禍亂不作深乎深乎安家者所以寧天

下也存我者所以厚蒼生也故遷都之義曰洛邑之地四達而平使有德易以興無德易以衰

唐書李懷光之解奉天圖上以其子李瓘為監察御史及懷光

屯咸陽不進瓘密言於上曰臣父必負陛下願早為之備臣聞

君父一也但今日陛下未能誅臣父而臣父足以危陛下故不

忍不言上曰卿當委曲彌縫之對曰顧臣力竭不能回也上曰

卿何以策自免曰臣父敗則臣與之俱死復有何策哉使臣責

父求生陛下亦安用之李懷光潛與朱泚通謀欲及其養子石

演芬遣客詣行在告之事覺光責之演芬曰天子以太尉為股肱太尉以演芬為心腹太尉既負天子

演芬安得不負太尉乎苟免賊名而死死甘心矣懷光使左右

日義士逐北賊伏兵掩之斬其首而去上哭之蓋哀結蒲為首而葬之

此見其首哭曰忠臣也東蒲為身而葬之

文粹牛僧儒曰齊境多寇司寇不理景公怒對曰請理君朝廷

之寇也牛有蚊蚋撓其膚毛必破耳以揮之及鼯鼠食其角則

不知痛鼠之一牙豈不甚於蚊蚋乎其口其雖貫心徹

骨而不自知也况其角乎朝廷之寇其鼯鼠乎食君之角矣而

君不知也封疆之寇其蚊蚋乎君將鼓耳以揮之而忘其大也

景公不悟竟坐司寇以法晏子曰司寇死田氏為鼯鼠於齊矣

呂東萊曰畢公弼亮四世為周父師而康王之冊尚有罔曰弗

克罔曰民寡之戒康王非敢少畢公蓋規警勉飭此自君臣間

常法初不以耆艾廢也君與注大臣之位百責所萃震撼擊撞

結欲其解紆照闇諫之道有三難焉曰遠曰疏曰驟故言

污濁欲其茹納

之不行也固也周設師氏之官淵乎其用意之深乎實居虎門
 之左而詔王燬者也其勢近其情親其言漸若江河之浸膏澤
 之潤日加益而不知焉周公設官三百六十官必掌一事事必
 寓一意而師氏獨列地官之屬實周公致意之深者 周太
 史辛甲命百官箴王闕而虞人之箴獨傳師氏之所獻必反覆
 紬繹辭順意篤足以為百代箴規之法

程子曰位極而無逼上之嫌勢重而無專權之過斯可謂明哲
 君子矣周公孔明其人也郭子儀亦其次歟 有剪桐之戲
 則隨事箴規違養生之戒則即時諫止人臣以忠信善道事其
 君須體納約自牖之意而因其所明乃能入 一命之士苟
 存心於愛物於人必有所濟

張子曰近臣守和和平也和其心以備顧問不可徇其喜怒好
 惡 尹和靖每赴經筵必沐浴更衣設香案以來日所講書
 置案上朝服再拜因答人曰必欲初言感悟君父安得不盡敬
 人君其尊如天必須盡已之誠意

朱子曰大臣上不敢愚其君以為不足以言仁義下不敢鄙其
 民以為不足以興教化中不敢薄其士大夫以為不足共成事
 功一日立乎其位一日業乎其官一日不得乎官則不敢立乎
 其位志足以行道道足以濟時於大臣之責可以無愧 夫
 宰相以下士為功得士為難而士之所守乃以不自失為貴

古之大臣以其一身任天下之重其所賴以共正君心同斷
 國論必有待於眾賢之助焉此古君子所以戒尊主庇民之功

大人格君心之非此是精神意氣自有感格處然必須有箇開道底道理不但默默而已伊川解遇主于卷云至誠以感動之盡力以扶持之明義理以致其知杜蔽惑以誠其意孔子不能格定衰孟子不能格齊宣要之有此理在我而在人者不可必也 問淵源錄折柳事朱子曰伊川之諫其至誠惻怛防微慮遠既發乎愛君之誠涵養善端培植根本又合乎告君之道皆可以為後世法而於輔導少主尤所當知至其餘味之無窮善學者雖以自養可也

羅豫章曰士之立朝以正直忠厚為本正直則朝廷無過失忠厚則天下無嗟怨 上之立身要以名節忠義為本有名節則不枉道以求進有忠義則不固寵以欺君

張南軒曰伊尹云予弗克俾云辜真所謂任天下之重者人須存伊尹之心方得 某每登對必先自盟於心曰切不可見上喜便隨順將去

真西山曰諸葛武侯事業偉然求其所以則開誠心布公道集眾思廣忠益此四者乃武侯事業之本而誠之與公又其本也 忠臣之心常欲君身之強固君德之清明故動以聲色遊政為戒周公是也夫君身強固則必不倦於政機而威權在已君德清明則必不謬於邪正而用舍合宜此正人君子所深願而憚夫壬人之所甚不便者也有志愛君者其可不以周公為法 為大臣者必以群下有言為救已之過而不以為形已之短以為愛已而不以為輕已以為助已而不以為異已然後

可稱宰相之度

許魯齋曰月借日為光與日相遠則光盛猶臣遠於君則聲名大威權重與日相近則光微愈近愈微故月星皆借日以為光及近日却失其光此理殊可玩索 大聖大賢本末具備極

其規模之大盡其節目之詳先勤小物而後盡於大事降此一等亦豪傑之士 傳記中人才傑然可觀以道理觀之只是

偏才聖人則圓融渾全百理皆具古今人才多是血氣用事故多偏聖人純是德性用事

王槐野集夫相臣之於天下也其始而分其任於眾也猶之治絲馬人理一縷人司一染已而付之機工杼軸既成則貴人衣之不曰某工之製但曰某貴人之衣錦也猶之乘馬馬伯樂相

之王良御之造父馳之貴人乘馬而過於市市人曰貴人之馬良馬也不問相之御之驅之者誰也其事治功集君上悅之而獲有富祿也猶之宴賓馬酒人奉觴饗人奉膳鼓瑟吹竽客心甚樂矣明日不拜樂已者而拜主人主人使之也大匠為員必以規為方必以矩為員既成則規矩無功而主人謝大匠曰巧工也及宮室既成邦人相賀不賀大匠而賀主人主人居之也

總敘

通天地人曰王元命苞古人造字者三畫連其中謂之王王者之王中一畫近上則天之義德象天

地曰帝仁義所生曰王禮記君曰國之隆荀子君者國之隆父者家之隆人主

曰合天光感精天子之稱曰天家獨斷天子以曰太上淮南曰

大家上親近侍從官稱天子大家曰天辟京房易傳曰官家蔣濟言三皇官天下五帝家天下兼三五

五子傳陛下承明繼成 **總纜聚眾曰統楫群元** 兒寬傳 **天子出**

入曰警趨 文三王傳出稱警入言趨百官執 **禁中曰行內** 孔光

宿衛供 **君柄曰魁柄** 梅福傳倒持太阿又授 **天子出奔曰蒙塵**

左天子蒙塵敢 **新崩未有定謚曰大行主弱曰孱王** 張耳傳

曰主竄 謂主竄 **人道之極曰太上皇** 高 **天子太皇后皇后曰**

三宮 王家 **太后朝曰東朝** 灌夫傳東 **曰東宮** 劉白傳依 **皇后宮**

曰中宮 表 **皇后之稱曰小君** 白虎通天子之配至尊故 **曰女君**

又曰元妃 魏志帝王治天下不惟外輔亦 **后所居曰蘭殿** 北

升蘭殿以正位 **稱后德曰坤則** 頽延年壺政穆宣

齊曰瑤齋 張華 **稱后之尊曰天閨** 正位天閨 **曰天母** 晉虞潭

曰天下母 符彥卿女術者 **太子之稱曰主器** 易主器者

伯林 長子國語 **曰少海** 常衮表國之上 **曰天母** 莫若長子曰

宗曰副主 荆州占少微星一名處士星儲 **太子自稱曰結根天**

苑 梁太子 **太子生日吹銅** 大戴禮古者太子生太師 **太子拒善**

曰著針 舍人杜錫妻諫懷恩太子 **太子學曰東序** 簡文表養德

序 謝莊表離景承宸樞光 **太子待賢曰思賢苑** 漢文為太子立

曰博望苑 漢武為太子立 **封諸王曰與茅土** 漢制封為王

曰削桐珪 成王與小弱弟叔虞戲史佚請

相制曰磐石宗 漢高王子弟地大牙相 **從賢王遊曰登仙**

臨淮王或性愛林泉又重賓客至於春風扇楊花樹 **公主曰帝**

子楚詞帝子 **曰貴主** 寶 **曰天姬** 唐 **公主盛嫁曰毀垣** 唐太平公

降芳北渚 憲 **曰天姬** 唐 **公主盛嫁曰毀垣** 唐太平公

生薛紹尚之門隘不能容翟車有司毀垣以入劉惔之詩 懼

韓光青陞穰桃歸紫宮郭正一詩桂宮初服冕蘭掖早升笄 懼

公主曰稱下官 每與公主語常自稱下官 駙馬曰帝婿 馬後曰

國婿 苗氏家傳苗美年十五擬國婿 甚恭曰子婿禮 張耳子教

主高祖過趙趙王旦暮白 皇親曰皇戚 選 近屬皇親曰近藩之

尊 光武 曰戚藩 藝文社稷時艱則 曰茂親 陳伯書明德茂 曰姻

臣宗室曰宗盟 左周之宗盟 曰寶胄曰金枝玉幹 藝文 曰宗老 梁

武帝封蕭 曰宗臣表 李冕內沉雅外

琛為宗老 曰宗臣表 清整為宗臣表

